



Broj: 07/2-14-861/19  
Vogošća, 23.05.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14) i čl. 71. i 125. Statuta Općine Vogošća ("Službene novine Kantona Sarajevo" broj 27/14 i 14/15 Prečišćeni tekst), Općinski načelnik dana 23.05.2019. godine donio je

**ODLUKU  
O PONIŠTENJU POSTUPKA NABAVKE I ISPORUKE SITNOG ALATA I INVENTARA, ZA  
POTREBE OPĆINE VOGOŠĆA**

**Član 1.**

Poništava se Otvoreni postupak nabavke i isporuke sitnog alata i inventara, za potrebe Općine Vogošća broj: 07/2-14-861/19, jer nijedna od pristiglih ponuda nije prihvatljiva.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 16.04.2019. godine donio Odluku o pokretanju Otvorenog postupka nabavke i isporuke sitnog alata i inventara, za potrebe Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 17.04.2019. godine pod brojem: 1353-1-1-90-3-62/19.

Sažetak Obavještenja o nabavci objavljen je u "Službenom glasniku BiH" broj: 29/19 od 19.04.2019. godine.

Ispravka Obavještenja o nabavci broj: 1353-1-1-90-8-64/19 objavljena je na Portalu javnih nabavki BiH dana 30.04.2019. godine, a sažetak Ispravke Obavještenja o nabavci objavljen je u "Službenom glasniku BiH" broj: 32/19 od 07.05.2019. godine.

Tendersku dokumentaciju sa Portala javnih nabavki BiH je preuzelo 20 (dvadeset) ponuđača. Krajnji rok za dostavu ponuda bio je 14.05.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 14.05.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07/2-14-861/19 iz aprila 2019. godine godine i Izmjeni Tenderske dokumentacije broj: 07/2-14-861/19 iz aprila 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"Senigor" d.o.o. Sarajevo	19.987,91	/	/	23.385,85
2	"Penny Plus" d.o.o. Sarajevo	15.028,99	/	/	17.583,92

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Senigor" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 8.2.1. kao Napomena III u TD je jasno zahtjevano da su Ponuđači dužni u ponudi dostaviti original ili ovjerenu kopiju ovlaštenja za potpisivanje, ukoliko ovlaštene osobe za zastupanje ponuđača nisu navedene u Aktuelnom izvodu iz sudskog registra kao lica ovlaštena za zastupanje subjekta upisa.

U Ponudi ponuđača "Senigor" d.o.o. Sarajevo (strana 33-37. Ponude) dostavljena je Punomoć OPU-IP: 174/2019 od 29.04.2019. godine, obrađena od strane Notara Miloša P. Jovovića, kojom direktor firme "Senigor" d.o.o. Sarajevo Islam Senad ovlašćuje Omerhodžić Alema da može zastupati firmu "Senigor" d.o.o. Sarajevo kao ponuđača u svim postupcima javnih nabavki, što uključuje i potpis ponude, bez ikakvih ograničenja.

Komisija za javne nabavke smatra da dostavljena Punomoć nije ovjerena od strane nadležnog organa na ispravan način. Naime, ovjerena je samo zadnja strana Punomoći, a obzirom da se dokument sastoji od više stranica, bilo je potrebno ovjeriti svaku stranicu dokumenta pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

Također, Komisija za javne nabavke smatra problematičnim činjenicu da je nadležna Služba za opću upravu Općine Novi Grad Sarajevo, ovjeravajući predmetnu kopiju dokumenta, propustila da na pečatu ovjere napiše od koliko stranica se sastoji ovjeravani dokument, te je isto direktno utjecalo na formalno-pravnu ispravnost dostavljenog dokumenta.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Penny Plus" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.2.1. TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke.

U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke, uz napomenu da dokazi koji se dostavljaju moraju biti originali ili ovjerene kopije.

Ponuđač "Penny Plus" d.o.o. Sarajevo je u svojoj Ponudi (strana 21-27. Ponude) kao dokaz za obavljanje profesionalne djelatnosti dostavio običnu kopiju Aktuelnog izvoda iz sudskog registra od 27.02.2019. godine.

Komisija za javne nabavke smatra da dostavljena obična kopija Aktuelnog izvoda iz sudskog registra ne zadovoljava jasno postavljene uslove propisane tačkom 7.2.1. TD, a kojom je nedvosmisleno zahtjevano da dokument koji se dostavlja mora biti original ili ovjerena kopija.

- Tačkom 9.9.1. TD je propisano da će ugovorni organ dostaviti na potpis izabranom ponuđaču prijedlog Okvirnog sporazuma, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Okvirnog sporazuma je uključen u Aneks 6. tenderske dokumentacije ("nacrt"). Ponuđač treba potpisati prijedlog Okvirnog sporazuma i popuniti dijelove koji su ostavljeni prazni.

Ponuđač "Penny Plus" d.o.o. Sarajevo je propustio da popuni dijelove koji su ostavljeni prazni u nacrtu Okvirnog sporazuma (str. 16. Ponude), te je na taj način postupio suprotno postavljenom zahtjevu ugovornog organa iz TD.

- Tačkom 8.2.1. kao Napomena III u TD je jasno zahtjevano da su Ponuđači dužni u ponudi dostaviti original ili ovjerenu kopiju ovlaštenja za potpisivanje, ukoliko ovlaštene osobe za zastupanje ponuđača nisu navedene u Aktuelnom izvodu iz sudskog registra kao lica ovlaštena za zastupanje subjekta upisa.

U Ponudi ponuđača "Penny Plus" d.o.o. Sarajevo (strana 28-29. Ponude) dostavljena je Punomoć od 20.04.2016. godine, ovjerena kod Notara Sirbubalo Ramize pod brojem OPU-OV: 1153/2016 od 20.04.2016. godine, kao i Punomoć od 13.05.2019. godine, ovjerena od strane Službe za opću upravu Općine Vogošća.

Komisija za javne nabavke ugovornog organa smatra spornim činjenicu da su oba spomenuta dokumenta dostavljeni kao obične kopije tj. nije izvršena ovjera istih.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju otvorenog postupka nabavke i isporuke sitnog alata i inventara, za potrebe Općine Vogošća, iz razloga jer nijedna od primljenih ponuda nije prihvatljiva, a u skladu sa članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

- 1 "Senigor" d.o.o. Sarajevo
- 2 "Penny Plus" d.o.o. Sarajevo
3. Nadležnoj Službi
4. U dosije
5. a/a

033/765-591

033/467-820



OPĆINSKI NAČELNIK

*Edin Smajić*  
Edin Smajić